

# Pregled Dokumentata| Broj 17/25

Početna (/) / Dokumenti (/Docs/) / Službeni glasnik BiH (/Docs/Drzavni) / Dokumenti pregled

## Službeni glasnik BiH, broj 17/25

Na osnovu člana 17. Zakona o Vijeću ministara Bosne i Hercegovine ("Službeni glasnik BiH", br. 30/03, 42/03, 81/06, 76/07, 81/07, 94/07 i 24/08), člana 12. Zakona o ministarstvima i drugim organima uprave Bosne i Hercegovine ("Službeni glasnik BiH", br. 5/03, 42/03, 26/04, 42/04, 45/06, 88/07, 35/09, 59/09, 103/09, 87/12, 6/13, 19/16 i 83/17) i člana 4. Odluke o formiranju Vijeća za djecu Bosne i Hercegovine ("Službeni glasnik BiH", brojevi 4/13 i 66/19), na prijedlog Ministarstva za ljudska prava i izbjeglice Bosne i Hercegovine, Vijeće ministara Bosne i Hercegovine, na 70. sjednici održanoj 12.2.2025. godine, donijelo je

### ODLUKU

#### O DOPUNI ODLUKE O FORMIRANJU VIJEĆA ZA DJECU BOSNE I HERCEGOVINE

#### Član 1.

U Odluci o formiranju Vijeća za djecu Bosne i Hercegovine ("Službeni glasnik BiH", br. 4/13 i 66/19), iza člana 3. (Sastav Vijeća za djecu) dodaje se novi član 3.a koji glasi:

#### Član 3.a (Konsultacije s djecom)

Vijeće za djecu u svoj rad u konsultativnom smislu može uključiti djecu i mlade u Bosni i Hercegovini putem nadležnih resornih ministarstava za djecu i mlade i Dječijeg parlamenta uvažavajući njihovu dob iz poštovanja zakona i saglasnosti za učešće djece i mladih, te minimalno jednom godišnje, a po potrebi češće na svojim sjednicama obavljati konsultacije i diskusije za djecu i mlade različitog uzrasta u cilju poboljšanja kvaliteta rada Vijeća i bolje promocije zaštite prava djeteta.

#### Član 2.

Ova odluka stupa na snagu danom donošenja i objavljuje se u "Službenom glasniku BiH".

VM broj 17/25  
12. februara 2025. godine  
Sarajevo

Predsjedavajuća  
Vijeća ministara BiH  
**Borjana Krišto**, s. r.